

盛京時報附張

第一六六號 附張 不取分文 (禮拜二)

日本大隈伯爵政黨史論(三十)

雜報

是時現象又一變矣。前附於政府之自由黨。今則變為反對黨矣。前反對政府之進步黨。今則變為政府黨矣。前在議會與進步黨同其步調。且與松方伯爵其睦誼之國民協會。今亦變為反對黨矣。政黨之狀況。至此乃益紛雜。余初入閣時。提議有數條件。其要者有二。一是閣部開臨議會。宣言其施政之方針。至於國務大臣。不副與望者。不得居其任。一是言論集會出版。寬其自由之範圍。而政府之停止新聞干涉言論諸法例。悉廢止之。願是時閣部。雖因事而和。旋有議而爭。漸致意見齟齬。故越一年而余又去朝。閣部又作。後此繼成之閣部。時論謂之變勇內閣。旋復解散眾議院。未幾閣部亦敗。厥後所成。則第二次之伊藤閣部。雖元勳以立。然仍短命而仆也。

於時民間情形。又一變矣。進步黨極盛。自由黨極衰。政府諸公。咸知黨派之要。如伊藤侯自選舉干涉後。尤重黨派。他如西鄉品川井上伯諸人之深惡黨派者。至此亦知非依黨派。難望立憲政治之完善。於是競欲立新黨派。視自由黨。常立政府地位。思欲籠羅之。以自固其基礎。伊藤侯擬於帝國客館。對議員宣言立黨。將舉行立黨之式矣。奈為時已晚。其出類者。咸早樹黨自立。所餘者不過殘黨弱卒。不足有為。於是伊藤侯一舉不成。此念頓冷。將圖再舉。旋又去朝矣。此時之自由黨。被諸元勳所誘惑。四分五裂。幾不成黨。加之前此附於政府時。黨內之反對者。咸投進步黨。故至此散漫。不復能成立。於是自由與進步。兩黨合一。成一立憲政黨。黨勢至此盛極矣。故伊藤侯臨去朝。奏稱大隈板垣。收國民多數之人心。以此兩人。組織內閣。庶幾得之。時論所謂憲政內閣之成立是也。當憲政黨內閣時。選舉極公平。爭端亦鮮起。其結果至憲政黨員。占三分之二以上。然則憲法政治之發達。大可知矣。維持全國中。除官僚派及保守派外。凡國民罔不屬望於立憲政黨者。乃不料禍起蕭牆。變生肘腋。本黨內忽起大衝突。推原其由。無他。故改進黨與自由黨。本有一二十年相爭之歷史。雖合為一。終風有間。合離抑何常。聚散每相因。惟不自外起而自內生。此則日本憲法史上。政

黨史上均屬可愧之事也。余慚薄德。適當其軸。調濟未善。致有此變。雖然。人事變遷。反覆無常。此亦不獲已之事也。

各省新聞

●譯學館之風潮(北京) 近譯學館以大學堂將開運動會業將諸生操衣備辦每人係嗶嘰及炒米色白色粗布衣褲三套惟內班生每人只十元而外班乃須二十四元故十六日以來各新班生大起風潮尚未調停妥善

●欽賜衍聖公筵宴(北京) 衍聖公因孔廟升大祀來京謝恩奉旨賜筵以示優禮昨日已由禮部堂官在本部大宴衍聖公禮極隆洽該部大堂前懸掛結彩恭設香案衍聖公望闕叩謝始行入宴云

●制軍將到(天津) 東三省總督徐菊帥聞不日由京來津赴東省查看一切縣署已在吳楚公所飭差預備矣

●全省學務代表集津大會議(天津) 直隸提學使盧木齋文宗月前通飭所屬一百四十四州縣每處各派學務代表二人齊集天津開特別大會商辦學務一切與軍事宜計分兩大綱一曰興學一曰籌款共發問題二十條內有設宜講所勸學所師範學堂城鄉小學堂女子小學堂改建廟宇公所開荒田提公款辦印花稅增收雜稅加烟酒稅開膏捐等條可否辦理有無流弊特飭各議員酌量本地情形分別答復聞各代表人所議各縣不同言論互異卷積如山一時殊難備閱將來必擇其確有見地而多數相同者以為適從云

江督札某統領文(京南)

(為嚴查黨徒勾結匪黨事)

本年正月廿六日孫汝來滬借葛德明到新加坡運動軍火黃午仇錫昌鄭先聲在東辦事探聞現在之主義先將銀四百萬兩到金山衛瀏河常熟及江浙等小碼頭招集鹽梟八九千人計船千餘艘除總管事外每船給銀三千兩為販私之本只要該船有槍五根即可領銀燒飯看舵每船八人先做私鹽一二次官兵必來捕究拒捕時總管事暗傳口令將各人擄去港捕兵去上岸擄掠各處飢荒藉搶米為起點乘老弱向前殺之是黎庶不殺為亂民且擬運動各處軍隊臨時倒戈相向等語查蘇浙交界處所梟匪夥眾多動輒連檣列械拒敵官軍並有

營兵為其勾通庇護迭經嚴飭拿辦終未能盡絕根株且查上年直隸督部堂據洋員報告即有孫汝逆黨暗中勾結鹽梟之語訪聞各節恐非無因上年江南北水災甚重飢民眾多近來各處米缺價昂人心異常惶懼如果其煽惑滋事為患何堪設想惟其以老弱為前驅以港汊為巢穴設謀極為詭秘必須密購眼線將鹽梟之渠魁頭目及暗中主謀之人設法緝獲一面解散脅從並嚴查接濟軍火方足以弭隱患而靖地方請飭一體認真防緝(下畧)

●海門教案如議訂結(杭州) 台州海門之英法耶蘇天主二堂教民械鬥傷人釀成交涉歷詳前報迭經洋務督辦世益三觀察分往滬台與領事教士議結各條茲悉西人已皆允洽並不索償賠卹均甚和平因之世觀察即日赴甬會同喻庶三觀察與西員訂日簽字了結惟彈壓不力之地方員弁均須嚴加議處矣

●札查俄德遊民密拿解辦(波寧) 十一日甯府太守接到省垣洋務局來文畧謂近日有俄德遊民十餘人在上海盜騙巨款被捕潛行來杭當由上海西探跟緝查已逃赴寧郡相應飛請飭屬嚴密查拿如果獲有該民就近迅解上海交由各該領事懲辦驅逐出境文守接准後因即立札鄞縣并各保甲委員及甬北之捕房一體嚴加查拿以憑核辦

●贛省煙館之調查(江西) 贛省警察總局日前接奉沈藩移行調查省城煙館燈間及每日銷膏數目現已查竣開列總數於下 警察東局所管地段界內煙館共六十七戶煙燈共四百八十七盞每日銷膏一百零七兩九錢 警察南局所管地段界內煙館共四十七戶煙燈共三百六十四盞每日銷膏一百零七兩九錢 警察西局所管地段界內煙館共十九戶煙燈共三百七十二盞每日銷膏一百零二兩三錢 警察北局所管地段界內煙館共七十三戶煙燈共六百五十四盞每日銷膏二百零二兩七錢 城外警察分局所管地段界內煙館共一百零五戶煙燈共八百七十四盞每日銷膏共二百六十兩零九錢

●皖省會匪蠢動(安徽) 三月二十日上海電云皖省領毫一帶地方有大刀會蠢動之兆皖撫恩中丞接耗即嚴飭屬下彈壓以杜亂萌 委員密查州縣苛捐狎妓(湖北) 現署天門縣知縣宋燦去歲蒞任以來地方一切捐款無不意外苛徵詞訟規費則縱丁訛索主僕平民怨騰沸該令今正來省賀年復在漢口以數千金納名妓二人携歸後管絃之聲達於署外近為鄂督訪聞已札委前任襄陽府知府曹允源潛往密查核辦 閩路股東大會將開(福建) 福建鐵路總辦陳汝菴閣學往南洋招股現已回閩聞股額已招足不

日即開股東大會云 梁鼎芬與粵路之交涉(廣東) 日前七十二行商全某等因粵路風潮上書鄂督為官鄂粵紳梁鼎芬電話證據至毒其詞曰天日在上云云各行接電後以梁某無干涉言論資格屏置不答詎昨日昨有由郵政局遞交平糶總公所一函內有覆梁電稿略謂武昌梁某鑒粵路商辦商人不忌岑功乃被誘虛股二百萬不聞究誣反斤斤鉗禁商人口舌黑暗世界有何天日云云其下并不署名但言為善長不代擬一稿未知是何人手筆也

奏摺錄要 奏 趙軍帥奏留咨調人員摺(前續) 謹將調奉各員彙開清單恭呈 御覽

候選布經歷屠師韓 候選布理問伍崇雋 雙月 先選用州同牛爾裕 直隸候補按察使楊光第 兩淮鹽運使李世琦 知縣候補府經歷馮守田 指分直隸試用府經歷潘文 分發直隸試用府經歷吳良 山東試用府經歷劉承德 山東候補府經歷周之權 知縣試用府經歷梅 知縣試用府經歷李 河南試用府經歷 瑞分省試用府經歷章中選 分省補用府經歷李多培 試用府經歷張勵學 試用府經歷陶士英 分用試用府經歷彭承祖 候選府經歷馬 候選府經歷王入鵬 候選府經歷吳炳淦 候選府經歷丁九春 候選府經歷張說 候選府經歷陳廷書 候選州同陸家鼎 北河試用縣丞彭家禮 山西試用縣丞黃書棠 河南試用縣丞譚家禮 指分浙江試用縣丞馮受堃 湖南候選縣丞汪廷廷 直隸試用縣丞董雙折 分省試用縣丞夏繼茂 分省補用縣丞吳賜 候選縣丞紀長城 候選縣丞劉福會 候選縣丞瞿文鏡 候選縣丞陶壽煌 候選縣丞王廷光 桂候選縣丞章 候選縣丞李壽昌 候選縣丞林國楨 分省試用縣丞程鴻基 候選縣丞俞蕃字 候選縣丞王錫欽 候選縣丞沈啟賢 候選縣丞劉文翔 候選縣丞張子瀛 候選縣丞顏國勳 浙江試用照磨馮振甲 候選縣丞薄曹作藩 指分湖北試用巡檢賀簡 指分江西試用從九品徐元芝 江蘇試用巡檢武會傳 湖北試用巡檢歐陽 分省試用巡檢劉鈞 候選巡檢李廷敬 候選巡檢張子榮 候選巡檢王紹卿 直隸試用典史顧望 安徽分缺先補用典史周恩元 山東分缺選用典史吳文煥 分省試用典史許鴻藻 河南候選從九品翟震起 議敘候選縣丞姚貽孫 候選縣丞賈獻廷 候選縣丞朱文庚(已詳)

將士又皆敢死善戰。非月氏所能抵敵。不如早降。以為愛惜生靈。保全社稷之計。月氏王聽信謝言。於是遣使持書。納款。稱臣於漢。其書畧曰。西域小邦月氏王。敢上書於大漢皇帝。長吏大臣。麾下。向不自量。妄動干戈。違背當車。自尋覆滅。幸蒙寬宥。不加罪戾。俾得生還。故士。大恩高厚。感佩莫名。東望天威。焚香頂祝。念敝國以區。々土域。孤立西方。壘卵之威。實深悚懼。如不以前罪見棄。情願納貢稱臣。一為漢命是聽。皇天后土。實聞此言。如渝此盟。明神在上。實降之殃。謹奉明珠百顆。白璧十雙。翠羽。犀角。瑠璃。各百盒。聊以表意。伏乞長史。垂鑒。轉為代致大漢皇帝陛下。則貴國之安。無量。敝邑之幸福。無量。

超得月氏降書。遂厚待來使。以好言安慰。並多酬報以漢家財物。使回報其主。去訖。自又遣使歸漢。奏明月氏稱臣之意。一面仍聯合烏孫。為伐龜茲之預備。是時龜茲王聞超敗月氏之信。已有懼心。又聞烏孫國。為超助援。心甚惶惑。且前之附屬小國。已多降服於超。借助。奴之道路。全行梗塞。自念孤立無援。慮有覆亡之禍。因召其臣下計議。商酌棄超之策。而其諸臣。亦久震超名。願降者大居多數。龜茲王萬出無奈。乃率其所屬之兩小國。一為姑墨。一為溫宿。皆降於超。龜茲既定。乃遣人報於漢王。漢王嘉超之功。晉以都護之職。又以徐幹有輔超之績。封為長史。皆許以便宜從事。二人受命。望關謝恩。乃語欽使曰。今龜茲之降。不折一矢。不傷一將。非超等之功。乃烏孫之力也。烏孫雖未出師。明以助我。而烏孫一與我合。實足以奪龜茲之魄。而歸龜茲之心。超即請遵便宜之命。多與烏孫財幣金銀。以結後日之好。願煩欽使。即便報知我王。欽使唯々。告辭而去。使臣去後。超由疏勒馳赴龜茲。脅逼龜茲人。廢其王尤利多。別立漢廷侍子白霸為王。自駐節於龜茲。乾城。以為鎮撫。使徐幹獨。住疏勒。為之應援。常斯時也。西域諸國。惟龜茲最為強。龜茲既服。四面小國。相繼投誠。所不服者。惟有焉耆。危須。尉犁。之三國。蓋焉耆不服之故。以前曾攻沒尉犁。都護陳睦。恐漢挾仇。故懷二心。超在龜茲。念大功將竟。欲誇示威信。乃一面積聚糧草。操練兵戎。修戈矛。礮鋒刃。一面使人四出。約各降國之兵。同時並舉。以伐焉耆。及危須尉犁之三國。于是焉耆。于闐。疏勒。尉頭。姑墨。烏孫。莎車。月氏。及龜茲。九國之兵。相繼並起。而焉耆乃

探險英雄傳 (七) 却說這超既從月氏王謝。歸國。謝感超不殺之恩。見其主王。具述超仁慈寬厚。智勇多謀。其